



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

<<28>> մարտի 2019թ.

Ո Ր Ո Շ ՈՒ Մ No. 508/06-Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով <<ՎԱՐԳՈՍ>> ԲԲԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <<ՎԱՐԳՈՍ>> ԲԲԸ-ի (ՀՎՀՀ 02207452, հասցե՝ ՀՀ ք. Երևան Բագրատունյաց փող. 6-77, պետ. գրանցման համարը՝ 269.130.01526) <11> մարտի 2019 թվականի դրությամբ չկատարված հարկային պարտավորությունը կազմել է 7.028.950 դրամ, որից ապառք՝ 4.662.586 դրամ, տույժ՝ 2.197.646 դրամ, տուգանք՝ 168.718 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <11> մարտի 2019 թվականին ընկերության տնօրենը Հայաստանի Հանրապետության հրապարակային ծանուցումների պաշտոնական ինտերնետային կայքի միջոցով պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացել և նշվածի վերաբերյալ որևէ բացատրություն չի տվել:

Սույն որոշման մեջ ներառված չեն 2018 թվականի պետական տուրքի հաշվարկով առաջադրված 257.640 դրամ (ապառք՝ 240.000 դրամ, տույժ՝ 17.640 դրամ) պարտավորությունները:

ՀՀ ՊԵԿ իրավաբանական վարչության պետի կողմից 20.03.2017 թվականին կայացվել է թիվ 267/03 որոշումը <<ՎԱՐԳՈՍ>> ԲԲԸ-ից 372.437 դրամ գանձելու մասին, որի մեջ ներառված է եղել ավելացված արժեքի հարկ՝ 22.500 դրամ (տուգանք՝ 22.500 դրամ), պետական տուրք՝ 271.950 դրամ (ապառք՝ 240.000 դրամ, տույժ՝ 31.950 դրամ), եկամտային հարկ՝ 77.987 դրամ (ապառք՝ 53.253 դրամ, տույժ՝ 2.794 դրամ, տուգանք՝ 21.940 դրամ): Նշված որոշմամբ վճարվել է 293.253 դրամ, որից եկամտային հարկ՝ 53.253 դրամ (ապառք՝ 53.253 դրամ), 240.000 դրամ պետական տուրք՝ 240.000 դրամ (ապառք՝ 240.000 դրամ):

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **6.692.126 դրամ**, որից՝

ԱԱՀ-ի գծով պարտավորությունը կազմում է **6 դրամ**, որն ամբողջությամբ տուգանքի գումար է և առաջացել է իրավահարաբերության ծագման պահին գործել <<Հարկերի մասին>> ՀՀ օրենքի 24-րդ հոդվածով հաշվարկված տուգանքից.

ռեզիդենտի շահութահարկի պարտավորությունը կազմում է **18 դրամ**, որն ամբողջությամբ տույժի գումար է և առաջացել է իրավահարաբերության ծագման պահին գործել <<Հարկերի մասին>> ՀՀ օրենքի 23-րդ հոդվածով հաշվարկված տույժերից.

եկամտային հարկի գծով պարտավորությունը կազմում է **484.988 դրամ**, որից ապառք՝ 244.438 դրամ, տույժ՝ 116.278 դրամ, տուգանք՝ 124.272 դրամ, որն առաջացել է 2017 թվականի մարտից-դեկտեմբեր, 2018 թվականի հունվարից-ապրիլ ամիսների եկամտային հարկի և սոցիալական վճարի ամսական հաշվարկներից, իրավահարաբերության ծագման պահին գործող <<Հարկերի մասին>> ՀՀ օրենքի 23-րդ և ՀՀ հարկային օրենսգրքի 401-րդ հոդվածներով հաշվարկված տույժերից. իրավահարաբերության ծագման պահին գործող <<Հարկերի մասին>> ՀՀ օրենքի 24-րդ և ՀՀ հարկային օրենսգրքի 402-րդ հոդվածներով հաշվարկված տուգանքից.

շրջանառության հարկի գծով պարտավորությունը կազմում է **5.830.098 դրամ**, որից ապառք՝ 3.970.098 դրամ, տույժ՝ 1.860.000 դրամ, որն առաջացել է 2017 թվականի 1-ին՝ եռամսյակի շրջանառության հարկի հաշվարկից, իրավահարաբերության ծագման պահին գործող <<Հարկերի մասին>> ՀՀ օրենքի 23-րդ և ՀՀ հարկային օրենսգրքի 401-րդ հոդվածներով հաշվարկված տույժերից.

պետական տուրքի գծով պարտավորությունը կազմում է **377.016 դրամ**, որից ապառք՝ 208.050 դրամ, տույժ՝ 168.966 դրամ, որն առաջացել է 2017 թվականի պետական տուրքի հաշվարկից և <<Պետական տուրքի մասին>> ՀՀ օրենքի 35-րդ հոդվածով հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2019 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված

հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <<ՎԱՐԳՈՍ>> ԲԲԸ-ից գանձել 6.692.126 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱՆԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ